

玉
笙
樓
詩
錄

玉笙樓詩錄卷七

海昌 沈壽榕 意

同治辛未

感諷四首

江海掬而竭山嶽推而移中無定力在金石皆腐
廢日月本虛象因時占盈虧萬古猶旦夕久照神
不疲何以能如斯得失皆不欺聖人繼天立誠乃
天下治

範土成胚胎投火而煨之丹繪施采色厥名稱爲

瓷器異名亦殊不平則先敬淺必自傾覆疎或嗤
漏卮理則咎意匠法當求良師我欲立碎此改作
乃中規瓦缶絕雕飾久遠應可期光明易致毀焉
用珍珠璃

寶刀割羊豕壯夫淚縷縻玉敦盛敗醬唾棄忽如
遺利器期適用哲士明見機或私偏好惡當求真
是非耳貴則目賤志紛羣召疑名曰千里駿繫以
三尺鞵養才如養心百官隨指揮弋人張網羅何
不別雄雌

俗士喜著作自謂千秋事
輾轉盜姓名剽竊寡精
義治詞寫風懷荒誕狀
狐魅臭腐炫神奇如入
鮑魚肆吾家蒼頭公功
烈照青史手亦不辨書
眼亦不識字

草堂觀梅喜作二首

心頭第一難忘事記別
梅花倏五年我往攜壺
游郭外僧來倚杖立門
前尋幽合訪詩人宅未
老能空色界天綠淨苔
紋長不埽萬竿竹影半
池烟
飛花拂帽香盈袖小立
閒庭雪滿肩淡掃顰眉
如

靚女橫撐瘦骨是癯仙雲浮玉壘成今古我詠春
風和石泉臨去問花期後會此間多少再來緣

洗馬池感舊

池爲漢趙順
平侯遺跡

一水萬竿竹百尺三層樓重來勝地忽生感迴憶

主人空復愁

謂祥文
瀾方伯

庭邊松老蒼鬚叟檻外楊枝

垂女手玉簫微度隔簾聲蛾眉勸進深杯酒深杯

罰儂儂不辭記十年前三月時壁上埽塵同對鏡

座中捧硯笑題詩更闌燭炮偏相約送客留髡還

盡樂唾壺擊碎如意歌彈棋共訝盞花落無何別

我返長安別後天涯再見難金碧亭臺餘夢想歸

裝圖繪等閒看

方伯旋都繪圖而去

春風秋月流光變珠履

華簪宦遊倦街西門掩畫欄低牆東蝶過殘香戀

於今呼作駱公祠

今爲駱籀門制軍祠堂

那識將軍洗馬池

池上草多萍易散漢家功業問誰知

悼副室曾淑人四首

中宵明月照誰來

歿於正月二十日
子夜月明如畫

鏡裏瓊華顧

影摧我喜能還偏有恨汝胡不壽悔多才衣衾儉

薄官虛俸

時余初投雲南鹽法道未履任

草木離奇禍及胎

喉痛誤服

涼劑小產兩月而殞再喚已驚膚雪冷又因何事眼重開

相從是我最貧時門戶先無健婦持

薛夫人歿後賴淑人主中

饋細數米鹽憐客况虔修蘋藻問家儀鸞膠再續

仍尊嫡蠹簡深藏待授兒本與糟糠同一例功臣

兩字眾人知

戚友弔唁皆云賢而知禮君家功臣也

六詔窮邊兩度遊尺書不寄怕添愁空存皮骨心

無血陡入膏肓鯁在喉強起能支雙枕卧瀕危還

說幾生修藥爐經卷橫陳處一任拋殘未忍收

我著朝衣汝蓋棺無聊心緒雜悲歡前因後果分

明記屬續時自云前生官守備待下刻幸戰歿始得爲人今生無過再世爲男死別生
離割捨難大婦猶云身失臂小姬頻勸飯加餐謂趙
姬含悽再向癡兒說兒不成人母不安

自花市歸過萬里橋二首

芊芊秀綠滿江城漠漠重陰未放晴佛地栽花宜
供養春烟籠樹不分明迴看鞭影來時亂靜覺衣
香過處生手把玉連環擲碎多情何似本無情
萬里行人萬里橋不須送別也魂銷飛花信手拈
紅雨鬪草無心拾翠翹圖畫樓臺都繞郭暮天鐘

鼓雜吹簫何年再種琅玕樹咫尺神山未易招

送春四首

來從何處去何之百折難回一念癡隔院梨雲鶯
喚醒撲簾花雨燕歸遲都云冷落拋紈扇遮莫愁
深惱鬢絲卻悔栽成紅豆樹長教留子最相思

兒女風雲盡偶然繭窩絲斷緒纏繇情懷作惡如
中酒姿態橫生憶少年柳絮前身原是夢桃花無
淚不成仙尋常一事天難主明月何妨夜夜圓

芳草天涯少定蹤柔腸消受別愁濃難忘恰似微

時劍不寐先聞午夜鐘一往竟無書可寄數行都
訝涕何從須臾便是仙凡隔那管蓬山路幾重
傳聞碧海變黃埃造化無心枉費猜二十四番空
有信百千萬劫總成灰春衣香褪痕猶濕錦瑟絃
枯字亦哀我欲排雲叫閭闔上清淪謫幾仙才

聞仲昫師之訃設位而祭再哭以詩二首
加麻泣望寢門空敢以今人慕古風患難相隨能
識我文章不死應推公

先朝史筆嘉謨告

嘉慶時公充
國史館提調

異地鄉人社祭同

蜀之兩浙先賢祠
己奉公粟主

誰解當時心力苦紛紛後起說

邊功

前任雲貴總督時
力解省城之圍

春興多愁憶曲陽

駐節曲靖賜和
曲陽春興四首

湖山歸計共商

量懸車再滯青門道

師先在陝撫後自雲貴總督
解組即擬自蜀旋里又因粵

匪犯浙遂

把酒遲開綠野堂早著叢書稽掌故

著

留滯關中
吉齋叢錄記

獨傳詩法寫心藏寥寥知己天難問

自斷吳雲奉瓣香

富玉堂都護

森保

招同嚴涓春中丞

浙森

飲荷亭醉後作

盛夏作熱客樂事眞良苦塘上做虛亭潭潭都護
府富侯興灑落清談坐揮塵交我披胸肝英爽出
眉宇白蓮花作圍向背半吞吐碧波千百疊翠禽
一雙舞郭筒斟再三圓葉高尺五夕近微生涼雲
過忽飛雨嚴公十年長中丞生癸酉
榕生癸未雄畧兼文武
故山卧烟霞神鸞養毛羽此時醉爛漫羣言佳寶
主頭銜擬贈公成都酒大戶

記別五首

五月二十四日
自成都赴滇作

少壯慣長征還家偶然事臨去且躊躇寸心千百

累之官走南徼弱細未遑計行人念居人薪米麤
云備賓朋交祖席日出暮必醉四座紛送迎五更
猶不寐明日卽戒塗無言悽別意贈卿一品衣

時受

一品報我數行淚

陸夫人

汝年二十餘不知別離苦曲房開明窗繡絲理花
譜在昔丙寅夏生女初能乳聞殤我心酸况乃親
目覩歸來顏尙紅歡迎先出戶草草飾新妝默默
少私語臨行忽致詞遠遊慎寒暑急當置妙鬢多

男亦可喜

趙姬

弟權內江令兄從雲南歸旌旗迎道左僕從皆光
輝少坐問家事猶復籌邊機生還卽大幸敢云時
勢非五月復送我分袂情依依瑣屑戒行李臨郊
停征驂此邦習浮僞居官爭瘠肥勗哉循吏傳漫

云知者希

樸齋弟

汝爲側室子嫡母先過慈今以生母亡尤加姑息
之從師講經義僅具中人資軀幹將及我動止無
容儀記否生母病喘息微如絲伸手摩汝頂所望
成佳兒前修期遠大勤學毋遊嬉試看跨竈馬風

雲千里馳

子穎煌

古書五十箱先人久遺蓄別後繫中懷親戀同骨
肉茲行四千里牛腰苦難束償價曾典衣挿架徒
飽目先搗白魚巢更驅黃鼠族保護祭長恩此藥
能醫俗老奴掩口笑許多難盡讀有錢不買田紙
堆塞破屋

家藏書

題納溪縣行館

高館重門爲我開披襟消受好風來黃翻山郭千
畦稻綠借鄰家百尺槐香霧雲鬢尋斷夢鑪烟燭

淚賸殘灰不知誰唱琵琶曲聽到偏絃絕可哀

七夕次炎方驛雨

屬霑益州

知否雙星已渡河濃雲如畫墨痕拖人間夫婦輕
離別三十年來我最多

夢醒才知萬念空回頭無語感春風荒涼古驛秋
池水偏照蓮房墜粉紅

蒞鹽法道任卽事二首

行滕乍解便移家畫軸書囊載滿車八月秋從邊

塞起五釐鹽自古人加

宋時浙東諸場鹽百袋附五袋名五釐鹽後卽以爲

正數民困甚孫子秀蠲之
時滇鹽加釐過溢故云
新推平子能言利安得

裴休善稅茶

滇產普洱茶至省城則有釐無稅

到此好留餘地步

斬除惡竹爲栽花

粉墨登場作戲看隨人學步尙蹣跚兩姑豈必難
爲婦百姓從來祇望官戍遠無家增虎落風高有
力健雕盤斜陽獨上城南閣一色晴空映海寬

生日避客小墅方伯紫東觀察皆贈詩爲

壽報謝二章

閉門此日學新婦扶杖明年稱老翁

明年五十一

人謂古

今三不朽我除眠食百無功誰憐峻坂長征馬

紫東

贈詩云驂驪得路多辛苦記否鹽車上坂年

自笑低吟應候蟲堆案忽

驚如埽葉華箋圍坐蠟燈紅

青山想像何時買白髮蕭騷逐日添老醜可憎羞

對鏡升沉底用小垂簾閒庭寒瘦留霜菊古墨清

華照玉籤

小墅丈以徐熙牡丹卷子見贈

官職詩情都一例不妨

領略水中鹽

獨醉率書

靈府自昧百脉且伏欲弛欲張或縛或束孰謂有

功而以自爭孰謂能言而以自鳴孰謂其自立兮

而終於無成

一解

易牙善調甘苦未嘗公輸取材繩

墨未量汝未知夫紈素又顛倒乎衣裳

二解

非夏而

炎非冬而寒非漆而黑非朱而丹用金玉而捕雀

兮曾不如竹弓而泥丸

三解

剖匏爲尊酌酒易盈飲

之乳臭非狂卽傾詎造化之不仁抑毀器而敗名

汝嚶嚶乎何爭

四解

徐青藤墨牡丹卷子爲廖復堂都轉家故

物於友人席上見之感而賦此

青藤寫生精潑墨牡丹不暈胭脂色一枝低壓似
絲垂一朶昂頭如箭直有如臨風斜作勢有如帶
雨輕無力畫工之工臻化工解語呼之如欲出青
藤作字師張顛吾家長卷尤可傳

余家藏青藤草
書長卷凡二千

餘字安能得此兼二妙筆墨盡化爲雲烟往時曾見

秋池蓮花葉掩映波紋圓半房微露欲墜涼意
拂拂神娟娟吳儂近日心情嬾硯破塵封禿斑管
寂寞甘爲守黑人不知紅紫分寒煖君不見香染
朝衣似彩霞於今拋擲屬誰家道旁籬落荆榛畔

多少樓臺富貴花

同治壬申

亦資孔道中作

屬普安廳

草色無情碧東風暖氣催
忽驚山路斷又見野桃
開瘦馬尋春去歸鴉帶
雨來樵夫眞可畫黃笠
點青苔

回首思奇境荒亭卧石虬

石虬亭在平彝縣境

輕烟籠似墨

破屋小於舟樹遠如平
齋橋橫截亂流邊烽何日

靜飛騎報星郵

時興義府踞城賊勢方張

驛柳四首

二月二十三日
普安廳軍次作

風斜雨細指前津，
歷碌輪蹄逐後塵。
勞汝送迎雙隻堠，
爲誰攀折去來春。
酒旗歌扇歡如許，
帽影鞭絲畫不真。
暗數郵程驚漸遠，
一般萍水豈無因。

似曾相識似相招，
青眼初逢試折腰。
月下曉風聞斷角，
沙邊流水見長橋。
鄉人寄語書難盡，
店壁題詩燭未銷。
得意最憐新燕子，
畫梁才穩便能嬌。

眾綠如烟草色萋，
紅亭接處有青隄。
無分節候隨寒煖，
欲斷邊聲雜鼓鞶。
野館荒涼飢鼠竄，
繁枝高

下亂鶯啼斜陽返照迴環路一道胭脂抹不齊

花興闌珊喚奈何與卿相對惜蹉跎將離倩女魂

猶在未老封侯事恐多一種有情閒草木十年重

見舊關河

興義府新城賊踞十餘年格率滇軍會勦

漫漫飛絮如雲起

好唱陽春白雪歌

駐軍普安署丞嚴彙卿太守

鼎金

欵洽贈

詩奉酬四首時將移營興義縣兼以誌別

萬峰環百里厥地名盤州寒風動征袂二月如深秋
秋民氣抑何索田野無耕牛喜聞官軍至壺漿迎

道周豈不念身家十載紛戈矛黑山仍築壘白骨
堆成邱邇來新城賊狡焉而多謀緩師旬餘生乞
降非誠投撫之卽復叛慣技皆效尤拔本塞其源
將以望君侯

將將與將兵韜鈴非我長頻年參戎幕所歷皆黔
疆地本古東爨傳說訛夜郎文獻就殘缺遺俗偏
強梁當時滇回亂洱海波先揚花門煽同類響應
其勢張上游乏全力客軍艱裹糧此來期滅賊心
祝斯民康諮詢及芻蕘中宵起徬徨搔首望空際

妖星仍作芒

同鄉嚴先生居官何所得壓囊千卷書閒廳對山
色相邀入衙齋一榻已安設贈言意良厚時事豈
容默况今道路間豺狼與荆棘短麥三寸青野燒
滿田黑君職司教民民心思殺賊君望我立功愛
人誠以德

君家有介弟叔和信奇矯昔宰清鎮時與我相識
早後聞殤思州忠魂入雲杳篋中舊吟牋氣味如
郊島君詩出新裁美錦自舒巧澄懷涵波瀾穠姿

媚枯槁司馬撫蠻獷鄉兵護城堡後勁此爲最毋
使餘氛擾所願奏金鏡安用工文藻痛飲兩人俱
頽然玉山倒

南板橋

屬普安廳

今日清明節行人竟不知風箏何處線挂上綠楊
絲

普福寺

普安境

顛風橫出飛黃塵丹霞

山名

在東高嶙峋入門見佛

乞借榻呼衲煎茶來拾薪雨聲打窗涼四座香篆

裊空圓一輪髯奴奔告面無色後山有狼方捽人

兩宿正屯

屬興義縣

瀑欲流山去

瀑布自山頂出

雲先挾兩奔田夫能野戰成

卒總居屯屋破雞棲樹牀搖鬼嘯門無眠聞夜哭

風亂紙灰痕

克復興義府城紀事四首

樓堞旌旂一色紅方言猶說古南籠

本南籠所後升府嘉慶二

年改

地當亂久天心厭

咸豐九年十一月十一日同逆倡亂圍攻府城至同

治元年三月初十日又陷自是回逆句結苗夷蔓延

千里十一年正月劉靜臣制軍奏派榕統領滇軍赴黔會勦至四月二十五日克之首逆張七張入到屍梟首餘黨張泗進等皆就駢誅張兵出神奇賊計窮賊被官軍攻急詐降而設伏於內吳總兵奇忠於子夜率隊擁入外城奪其桅桿山龍井山等處礮樓賊於東門內城暗坑火藥誘我軍入吳總戎約文萬事又如開創始總戎德盛破內南門賊眾皆潰

幾家仍在蕩離中荒烟似墨燐光紫銅鼓山頭弔

鬼雄

銅鼓山距郡城半里榕駐營處

水深火熱十三年文物衣冠早蕩然吏治亟宜思

善後封疆從古重籌邊新城殺氣層山隔新城尙爲賊踞

矮屋歡聲舊賦蠲十一年前舊欠錢糧皆予蠲免但恐買牛耕未

得夷人多占漢人田

猛雨連宵待洗戈，胡牀警枕夢無多。沙中遺鏃鋒

猶厲柱上題名字未磨。

勒節相保平洞酒
苗立鐵柱紀功

百姓兒

孫皆可憫，兩軍主客要先和。裹創戰士呻吟際，我
祇溫言代撫摩。

游魂入釜尚求生，欲挽狂瀾盡斬鯨。但願早還乾
淨土，不知誰築受降城。援師艱苦關

宸慮

旨下糧餉軍
火毋使匱乏

劫運消除快午晴

陰霾旬日
自滅賊後

晴光
爛然

况復西南頻告捷，一時喜氣遍昆明。

時聞雲
南縣漾

溟江彌渡海
東各路之捷

興郡肅清士民來謝示之以詩四首

城陷十三年此郡被殘毒花門蔓難除血腥赭草
木苗狃愚且頑恃險據巖谷驅使等牛羊良善爲
魚肉宛如海底沉烈似炎蒸酷風聲雜雨聲鬼哭
兼人哭一朝官軍至號令秋霜肅每戰必先登有
田皆種穀公使民再生民願公多福公來抑何遲
公去幸毋速

我聞士人語惶汗增傷悲經綸出大吏埽蕩揚

天威榕也謹奉命勞瘁何敢辭徼倖告無罪詎云
功在茲此賊雖困闕推誠懷狐疑百計皆講張諸
軍多受欺用是情我師如果與小兒我借吳總戎
忠奇見慣明先機主勦豈言撫心志堅不移創深而
痛鉅何以蘇殘黎

千尺桅桿山滇軍多戰死把總張振麟不愧奇男

子振麟被執石礪凌絕頂向背突然起中宵薄其

壘月黑無光矣一呼賊四散心膽喪於此白晝仰
攻堅堞樓碎如紙賊乃僞請降設伏東門裏天網

詎能逃滅之而後已頃刻萬頭顱姓名皆能指劫
運會當終可哀何足喜

治亂敢逆料胥由心所生和氣事培養立可臻太
平追思致禍始漢回相忿爭彼蒼司循環銖兩權
重輕今宜蕩邪穢坐使觀澄清流亡當來歸枯朽
還滋榮若爲計久遠足食方足兵大願急難酬後
賢期有成

自郡移師風雨大作溪流橫溢越山而行
至馬邊田已三鼓矣

飛泉萬壑怒雷鳴頃刻風波不可行元豹在山含
霧氣夏蟲隨雨作秋聲刀鏹應有閨中夢帷幄羞
談紙上兵芻豆無多憐我馬夜闌血汗尙縱橫

軍中聞樸齋弟凶耗悲憤成詩四首

痛絕荆花折一枝去年送別幾何時初聞尙恐相

傳誤急病誰云不可醫

弟於三月二十一日患溫症至四月初一日而逝

但覺傷心先忍淚還求遺腹早生兒

弟年四十八無子去冬納

楊姬

有身九原若對雙親語我苦戎機鬢已絲

五歲提攜卅角隨嬰呶圍坐受毛詩三巴風雨聯

牀夜

幕遊閬中巴州
雲陽皆對榻

千里蠻荒載筆時

丙辰同在
酉陽秀山

軍中強仕馳驅虛祿養

弟官同知擢知府以祿不逮
親為憾積俸寄問梅兄建支

祠從先

公遺命也全家率率誤歸期

去夏卸內江縣事即
擬旋里以余任雲南

鹽法道眷屬

而今回首都如夢一事無成百悔遲

頃刻紛紜恨萬端死生骨肉幾時安諸兄愛汝爲

難弟百姓逢人說好官

辛未十月攝射洪令移疾
乞代士民請留於大府且

齋戒誦經

爲之祈福前日攜來親手筆窮山問到素心蘭

僕人

姚福至黔弟來書云聞其地產
素心蘭請覓數本相寄云云

朋交慰藉書盈篋

拉雜摧燒不忍看

佯爲談笑似忘情

軍事方亟將士來慰仍以常度處之

敲枕長吁又

四更分手竟無重見日癡心還望再來生誰知大

局從今了何事明朝定欲行

弟寄來絕筆書云去年一別不料如此結

局六脉已散明日定欲行矣

擬賦招魂天萬里悲風吹作戰場

聲

愁病述懷二首

蠻荒寒暖竟無時葉落梧桐尙未知

此地夏寒秋熱

諸妄

盡成膜外想一間猶作病中詩事權在手翻如棘

愁緒牽腸亂過絲更有夜眠聽不得鵲鴿啼在最

高枝

叩門朝夕謁三醫，心未能安藥可知。雞犬數聲聞

喚蠱

夷人放蠱於夜中，作雞犬聲喚之。

青黃五色自分夷

苗有青白紅黑

各種其相聚爲亂，曰黃會。有誤稱於獐獐，必爭辨之。

居官轉作無家客，防賊

如生不肖兒

時新城踞匪將，竄布防甚亟。

欲覓清涼權服散，鷓

鴝斑老妙香宜

病肝服沉香散稍瘥。

率將士厯梯子巖，天生橋置營壘卽事口

占

危巖插天半，欲上愁千折。戰士夜歸營，渴飲刀頭

血

克興義府城蒙

恩賞穿黃馬褂小墅方伯及各僚友致書言賀報

謝以詩四首

紫泥封下耀

天章馬上新裁試急裝論到功名纔尺寸

賜來顏色是中央徒嗟鬢裏絲多白共賀眉間氣
早黃但望諸公能補袞

聖人端拱正垂裳

青氈舊物本寒門往事尋思欲細論涕淚重看慈
母線綈袍難忘故人恩少年驄馬輸流輩來日垂

楊似染痕

二月朔自
滇禡祭

便有勤勞皆將士

王言挾纊願同溫

腳鞢手版事微官緩帶輕裘慕將壇前席躊躇思

借箸羣材推挽慶彈冠衣成短後軍容肅地在居

中客氣難

榕督軍駐興義縣在府城新城
普安屬羅平州平奠縣之中

自覺此

身非我有酬

恩何止奉心肝

猛虎先擒婦穴空邊陲殺運十年終相驚
異數非初願豈有書生說戰功九拜加身
天未遠三秋彈指月方中良朋漫許淩烟畫紅笠
青篲稱釣翁

五句初度口占二首

百年過半且珍重十月小陽春氣蘇知非有慙蓮
伯玉學詩竟如高達夫霜寒傲我對黃菊病起逢
人驚白鬚家書入手還獨笑有女慰情良勝無

陸姬

舉一
女

歛寄詩筆亦可喜獨抱孤琴避眾喧

刪訂三十年詩

索解

人兮期共賞非知己者難與言衣冠文武似棋局
風月江山誰酒尊姓名千秋倘或許還讀我書長
閉門

自頂效至阿紅

夷地名皆屬興義縣

征衣乍冷試裝絲最好蠻鄉十月天雲裏山尖春
筍簇風中蘆絮雪花圓鴉隨落葉寒無影馬怯危
崖下有淵半百功名羞自問幾人湖上解耕田

率師旋滇留別陳幼芝太守四首

名廷樑四川人

重陰快新霽朔風吹鐵衣金鏡隨畫角目送前旌

飛故人作郡守

時署興義府事

言別情依依父老願我留

惜與初心違主客今異勢操縱當乘機使君曰行矣流民猶未歸

官民意良厚愛我情最長亂山爭狹路戀戀如去

鄉來時春暖初拂袖花凝香今已披重裘鬚眉寒

冰霜况君有難兄

少海觀察

風雨欣聯牀後會在何處

此念迴中腸

熱宦亦偶耳所貴知民艱郡城幸得復比戶猶不

完草野供芻糧婦子多飢寒若能勤撫字且易悲
爲歡我乏救時策歌詩嗟伐檀望君履亨衢雲鵬
飛羽翰

黔疆雜苗獍俗獷異中土醕悶尙未漓此風或近
古厥初火燎原農氓亦用武賊平復生聚於茲得

安堵讀書士氣伸

榕與幼芝共
建珠泉書院

人材歷可數期君

政早成拭目我先觀間閭五袴謠將以永歌舞

沙寨

屬平
糞縣

短夢中宵覺遙天一色荒樹紅新過雨沙白淺浮

霜斷角流哀咽寒禽負曉光民情何太厚枵腹餽
官糧

板橋

楊林驛外雨如塵誰與銜杯話苦辛柳臙寒條楓
似醉板橋涼月照歸人

十二月十九日小墅方伯集同人爲坡公
壽分韻得催字身字蘇字

黑龍潭上虛前約又訂佳期後命催

先約黑龍潭
觀梅不果

坡老自成千古壽主人權領眾仙才印囊鎖候忘

官樣

是日封篆

軍令寬時問酒杯

榕初自黔凱旋

更喜西征新

報捷

近報大理府之捷

彩雲依舊護樓臺

邊城未見春前雪笠屐重瞻畫裏身應運當時逢

丙子存詩今歲紀壬申宦游蜀道如鄉里

榕初官蜀中二年

十餘年

家近杭州亦部民

榕籍海甯州屬杭郡

若論文章兼氣

節下爲河嶽上星辰

蜀中秦漢及唐宋揚馬而還合讓蘇瀟灑絕倫此
髯也烟雲供養其仙乎瓣香可奉余生晚長笛重
來客有無笑看紫薇堂上月梅花疎影倩人扶

同治癸酉

黎簡堂方伯

培敬

以何子貞編修東洲草

堂詩集見寄

忽展東洲集因懷西蜀遊
峩眉與瓦屋足踏萬山
秋放筆有奇氣去官歸故邱
如何號猿臂李廣不

封侯

編修自號猿叟

滇人謠四首

收魚課

海子有魚

滇名積水之區曰海子

居人以漁舉網得魚入市

賣魚解一賣魚有錢飯飽卽眠打門聲急催魚課錢

二有錢不多無魚奈何賣魚不多收錢奈何解三吏

怒罵人索錢盈貫汝課不完汝家魚爛解四網張四

面東西南北魚不逃生民去作賊解五

駕牛車

耕田用牛駕車用牛牛腹長飢牛心長憂解一雨中

蹄破日中汗流鞭笞加背牧兒行謳解二兒勿罵牛

兒勿打牛牛亦如人胡不稍休解三兒不知牛兒不

惜牛牛力且盡兒還殺牛解四長官牧民民亦如牛

民心惴惴天道悠悠

解五

栽鴛粟

圃不栽瓜農不播穀草木爲妖產此鴛粟

解一 晴天

雨天花開滿田積膏爲土如藥而煎

解二

名鴉片烟

卽阿芙蓉心腹之病呼吸相通

解三

初來外洋流毒

我疆民力旣竭國脉且傷

解四

設抽釐官官受私錢

去來不問過眼雲烟

解五

鴛粟膏產於滇者曰雲烟曰雲土曰南土

放蠱蟲

風中雨中烟中霧中夫聲察察其光熊熊

解一 豎人

頭腦嚙人臟腑此怪云何是名爲蠱二蠱生不知

誰其養之蠱來不知誰其防之三夷人放蠱漢人

焚蠱請聲其罪搃金伐鼓四口蜜腹劍人心之變

人心不止蠱蟲不死五

黃子銘大令心渠自閩入滇以黃莘田張

亨甫兩先生詩集見貽作歌報之

十硯齋中留一硯紫雲似玉曾親見莘田遺硯余於鍾仲山都

轉處見略拾殘膏香草堂張南山先生錄莘田絕句僅十餘首未窺

其一 全豹心常羨閩滇迢遙八千里行路先愁風日變

今朝有客惠然來再拜端陳舊詩卷知君莘老之

後裔世德清芬循吏傳相承衣鉢問誰師

子銘爲
勿村中

丞高

足律法通禪壁應面共嘗甘苦會能解繡譜翻

尋細鍼線低徊雅出晚唐音正格猶存國初彥松

寥山人

亨甫
別號

亦殊絕射虎淋漓血洗箭高霜遍灑

九秋涼短兵直接三軍殿以茲比列稱兩雄况復

光芒照雙劍傷哉造物如才名久矣飄零寫哀豔

我從邊荒拾餘燼那得新詞妙黃絹數莖髭斷字

吟安五色花生目空眩春晴早起午將倦薄酒微

醒獨仲欠蜜蜂打窗懶不飛海棠繞樹紅成片

平滇凱歌四章用梅村集中滇池鏡吹韻

同小墅方伯作

恩言初下彩雲中

聖至尊親奉

兩宮

四月奉到上
皇太后

徽號之

兩宮
旨

事考蠻書樊綽進威

加荒服越裳通

緬甸初
入貢

茲鄉多寶非完璧是處銷

兵盡挂弓十七年前依幕府酒杯浮白劍光紅

高黎西望鬱岩堯

高黎共山在騰越
南詔封爲西岳

五岳虛名笑

偽朝兵勢如風全掃籜賊宗遺木尙餘苗池心黑

白求神馬

滇池產黑白神馬日行五百里

帕首青紅弄短簫

鄉兵以五

色布帕首彈

筑吹簫於市欲訪偽蒙神武事殘碑磨盡墨痕消

閣羅鳳碑在大理城外僅數十字

荆棘初除草尙荒重圍猶記變蒼黃

賊圍省垣兩次

毫釐

有稅牛毛密文獻無徵蠹簡亡置我閒官成贅物
養民元氣要眞方眼前肥瘦干何事贏得詩名喚

沈郎

馴象南來待扣關新修圖法採銅山文章瑞氣聯

雙榜

本省癸酉鄉試
帶補辛酉一科

將帥奇功定百蠻
歡入塗歌

朱鷺引畫成春色
錦衣還微臣再讀平滇頌

祖武

孫繩纒一班

漁隱圖爲藥農太守題

卻喚清溪一小舟
來看無際大江流
憐君壯歲稱

漁隱

君年四十
卽號退漁

索我微吟付棹謳
最好名山能畫

出

君善畫
山水

眞難宦海見帆收
還鄉亦有西湖在
欲

買沙棠借釣鉤

雨坐海心亭

扁舟不繫小亭孤，空外烟痕淡欲無。
萬柄荷花新雨後，翠盤托出盡明珠。

羊神廟

神爲羊首人身廟
在雲南省城南郭

往來憧憧婦兒笑，攜錢競走羊神廟。
陳牲洗淨祀必恭，老吏偃樓向余告。
雲南分野應鬼宿，潦旱有靈事祈報。
相傳星日鬼金羊，追溯其名狀其貌。
村巫請禱如媚竈，長跼庭階擲杯琰。
丹青畫壁見龍蛇，塵土空梁落飛鼯。
滇有飛鼠嘗聞祭之非禮，是爲諛。

利養民生先以教誰伸正氣毀淫祠賢臣古重西
門豹十七年前亂羣盜沙蟲劫應機槍耀衣冠符
植混麒麟草澤包藏育狼獾吁嗟乎猖狂作勢紛
夔魑魍頭入市當驅除功名敢薄封侯爛我亦羞
稱殺大夫

題錢舜牧越詩稿

展卷明雙眼邊方有此才偶然發奇響風雨破空
來古軫七絃澀強弓一石開秋聲滿天地落葉下
層臺

三十年辛苦深知事大難無書羞腹儉有骨凜神
寒我欲向滄海珊瑚作釣竿埽空烟霧障尺幅萬
波瀾

入闈監試簡小墅方伯

廣廈如登選佛場瀾迴大海見文章

貢院前
卽翠海

栽成

桂樹秋初豔開遍槐花我亦忙彩筆正宜題紫鳳

例用
紫筆

前塵休更嘆紅羊

滇亂至癸酉始平

讀書事業存公

論咫尺清風太傅坊

鄂文端祠前有太傅坊距鹽道署甚近

八月初九日闈中作

官府神仙列隊行重關鎖鑰似嚴城閒吟試院煎
茶句靜聽春蠶食葉聲矮屋風來寒瑟縮高樓月
出大光明此時若使論心跡都與冰壺一樣清

謝韓紫東觀察贈雙鶴二十韻

昔蜀近遊滇萍蹤已後先

君先任四川鹽茶道榕官四川知府

關河

經險阻聚散各雲烟到眼悲重劫從頭問十年花

溪狂縱酒錦字夜題箋南徼持英篋東風撲柳絲

論文三舍避呼伴一牆連

糧鹽兩廨僅隔一牆

院隔陰分樹

香多草藝荃五羊將返轡

時將返粵

雙鶴又誰憐贈我

開籠放思君對竹眠有時明月下無事小池邊乍
見疑迴雪同鳴欲唳天往來成主客飛舞學蹁躚
顧視清高態低回去住緣排空齊刷羽飲水亦伸
拳立恐雞羣笑居如蟻磨旋長齡摩紫頂妙筆寫
青田霄漢心猶壯塵埃骨自仙處堂嗟燕雀飽肉
任鷹鷂攜共孤琴匣歸浮萬里船裴公留韻語願
繼古詩傳

裴度有乞白香山
雙鶴五言律詩

雨夜聞蟲語作

涼風何嫋嫋細草何青青吹笛噓蜩竅流火飛秋

螢我時披襟坐夜或被酒醒寸腸苦鬱盤塞耳不
欲聽

汝語誰家事午夜不能息汝族亦細微雄飛苦無
力高枝有元蟬輕乃張其翼造物本無心有口不
如默

天籟不可聞簫韶誰復作愛此蟋蟀吟遠勝管絃
樂汝自存其真我尤憐汝弱虎嘯復龍吟虛聲盡
糟粕

玉笙樓詩錄卷七終

玉笙樓詩錄卷八



海昌 沈壽榕 意文

同治甲戌

午倦

午倦正尋睡呼僮簾莫開黃蜂如惡客獨破紙窗
來

檢篋衍中得故侍郎浙江提學和甫吳公

諱存 在滇時與榕唱和之作手筆如新斯

人長往情不能已感而賦詩四首

親見弓衣織句時

公見贈句

重看遺墨倍淒其星辰天

上文昌座風雅蠻中樂府詩

公采滇中彝歌爲樂府

力解重

圍同選將

在滇值賊圍省城之變

音敲一字可稱師當年韻

事人猶說手贈青蓮笑折枝

戊午八月公枉過手白蓮一朶相贈曰此

青蓮也合送詩人

相見深秋別早春從知傾蓋是前因披尋古帙芸

香淡點綴閒園草色新略具酒杯爲地主能傳文

字要天真虛聲後起紛標榜此際誰扶大雅輪

舊稿鱗鱗爲我刪沈吟相對興迴環自云落筆才

如湧但乞還鄉事早閒

公言胸中詩境極多隨筆欲出有乞還山之意東

閣叨陪雙白髮

謂仲

南荒來踏萬青山前遊圖畫

留題處長在煙雲想像間

會爲公題舊遊繫懷圖七言古詩一篇原稿已

佚

公今長往世長嗟驥子欣聞似渥洼

令子博雅能文朝野

科名如碩果湖山供奉有梅花清才早見雲中鶴

近日偏多井底蛙擬把吟箋書萬本丰神雋永自

成家

陸貫一太守

希曾洮州人

以乃祖秀三先生三

百梨花館遺稿屬題

把卷如逢舊雨來，高歌空憶鳳凰臺。

集中鳳凰臺歌送李鏡安

明府入蜀李即榕之舊好也

黃河直上星堪摘，白雪重翻笛漫

催氣逼幽燕，真老將聲聞關塞。有餘哀濃香三百，梨花樹冷盡東風，開未開。

校字愁如埽，葉多波瀾終古壯。洮河文孫繼起籌

邊苦

貫一仕滇屢治軍事

浩劫初銷似夢過，世已中興家祭

告詩留殘本，鬼神呵茲行。莫道長安遠，又聽

君門響玉珂

太守將入都展覲

三月望日權藩司篆四月朔移居廨東卽

事四首

乍縮銀章指玉蟾移居倏見兩頭纖魚書遠到差

堪慰

接篆日得大兒書

鶴俸平分似不廉

藩鹽養廉各得其半

民病

太深醫藥少簿書如織去來兼僮奴忙煞真閒事
亂插瓶花掬水添

遠拓軒窗淨埽塵遙看秀綠一時新由來傳舍爲

官舍強把行人作主人

移居日小壘方伯招飲

燕子巢多安

舊壘

弱細仍居鹽署之東

鸚哥花好喚比鄰

藩署牆外俗名鸚哥花街

牆

頭過酒何妨醉滿徑紅飛恰餞春

十六年中三度遊當時浪跡等沙鷗短衣戎馬功

誰問長柄葫蘆笑不休官樣從新翻舊稿公牘不循成例

爲之釐定鼓聲將起倚危樓威遠樓將圯後來居此應難料

大似迷藏索暗鬪

且向他人借榻眠我來與我共周旋都云五日爲

京兆欲起千秋問井田時行量田之政心不求魚羞結網

弩強於末况空拳偷閒又試新詩筆萬里煙波一

畫船小墅方伯作湘帆歸隱圖索題

曉行昆明池上

危樓倚樹杪鐘鳴人未起
隔城迷蒼煙倏入黑雲
裏香來不見花高荷覆新水

輓蕭薌泉方伯二首

銜恤還鄉賦索居

時丁艱
回籍

瀕行猶爲寄雙魚難言

我輩傷心事詫見孤兒赴告書壯歲不勝三日病

世交回想卅年初

君季父水亭先生
與先大夫至好

彌留片語成

孤負萬里何因弔素車

言情論世兩如癡焦遂高談四座時借箸籌邊同

指掌閉門索句各拈髭重陽話雨驚租吏深夜聞
鐘叩導師儘有淒涼思不得古人泉路見交期

送程用和廉訪歸里

欲去便能去求閒真自閒南行渡湘水秋色皖公

山

時自湘南
還徽州

我亦何爲者倦游思早還柴門松菊

好相對定開顏

夏至

夏至如秋至涼風生袂衣龜田枯未合龍壁破而
飛中夜月初出前山煙更微遮人橫翠影老柏大

成圍

寄內

我已髭多白知卿髮亦然兩人過百歲

余年五十二歲內子

年五十一歲一別又三年米貴新愁蜀

時寓成都

書來苦憶

滇鹿車眞快事吾計愧前賢

李信古提軍

雜述

招飲索詩

文人論文少眞意戰士言功多霸氣如何都付尋
常談忙中把酒渾閒事李侯殺賊賊難避衝陣短
長工擊刺藕花香處學吟詩

君居近海心亭

高樹涼時邀

客醉君不見西北妖星夜作芒

雙星見於西北

玉門關外

卽沙場男兒珍重封侯骨且向腰間拂大黃

越南賈市犀首

文犀產自越南國頭顱如斗皮如墨切響初疑鐵
鑄成枯體見此真全力賈胡碧眼聲嗚呼笑指精
光炫奇特似云神物世罕有價若尋常難再得我
聞山犀水犀沙犀皆異色一角兩角三角何能必
不濡夜露名通天白痕上貫懸絲直吁嗟乎剽犀
氣感風與雷然犀逼視蛟鼉哀應憐象齒焚身禍

更看乖龍割耳來

曝書三首示頌煌

藏書愁書少讀書愁書多自知百無能聊復三摩
抄典籍浩煙海沙數觀恆河倘拘小儒見恐遭先
正訶詞章雖薄技會須翻日窠譬諸人面目位置
平不頗我年五十餘此事良蹉跎偶閒明夜鐙藉
之驅睡魔笑把昌黎詩朗誦還低哦長更耐眼澀
搔首憐髮炴我才僅若是愚如兒輩何

藏書不讀書見者皆云癡鹹酸別嗜好咀嚼通心

脾大父研六經垂老仍孜孜疏解宗漢儒一火靡
所遺先公精八法元氣揮淋漓惜未壽金石珍護
同珠璣家傳近萬本遠遊難攜隨吾州昔被賊傷
哉今屬誰我官三十年囊橐無餘貲收羅五千卷
富有常矜持晨光開晴曦甲乙交紛披曝書不讀
書能毋慚自欺

未能識一字詎敢希千秋牙籤旣排比目錄還尋
搜三層架重列再拜躬偃僂譬彼擁百城大邦雄
諸侯得書良可欣失書將誰尤權亦操之天豈假

人力求深藏是吾寶棄置增吾憂兒如解珍重黃
金高山邱

題蔡蓉湖郡博自愛集詩稿

名晉華建
水縣人

君家古巴甸此筆竟紛披老境出新意閒官多靜
時江山雙淚盡兵火廿年悲相對成心賞秋花開
一枝

耳目娛聲色終憐俗障多偶然一揮灑莫惜再吟
哦掉處翻鯨尾藏時抱蘭窠凡僧思入聖超悟更
如何

許節山孝廉以五塘詩稿乞正爲題二首

名印芳石

屏州人

許子讀書最辛苦
文筆有餘工作詩
先向古人問所得
或云我輩何其癡
眼光飛過爛如電
心緒細穿抽若絲
更欲與君發真願
閉門獨坐無言時

滇中變亂亦已久
之子家貧空所依
窠裏藏書疑化蠹
朝來煮字難療饑
青氈如此嗟何晚

初選昆陽州學

正白眼相遭知者希
我爲披吟三太息
埽除塵几

拂金徽

雨窗雜興二首

橫安一榻似僧房舊墨疎枝滿壁香

新得萬軸
岡墨梅畫自

悔翦除蕉葉去昨宵不覺雨聲涼

團扇初拋便感秋更誰重與話前遊荷花帶雨橫
塘晚褪損紅衣漸白頭

七夕憶內

今年又今夕迴憶昔年時玉鏡偎雙影銀蟾吐半
規香迷雲篆裊花壓繡牀披瞬息流光轉秋容恐
未知

清狂一首

清狂記得少年癡幕府羣呼杜牧之兵法細參黃
石略麗情閒解碧城詩飛花滿路春歸處明月高
樓客醉時此日秋風聞鼓角壯心如藕斷成絲

雨餘尋屨後廢圃漫成四首

官舍餘荒徑求閒早放衙心空搯老樹爪透摘新
瓜宛宛風搖蜨濃濃墨點鴉危欄憑徙倚悽聽一
聲笳

莫問華嚴劫曾開戰馬場

亂時官軍屯於藩廨

旌旗殘壁畫

風露小池香紫豆斜牽蔓紅薇高出牆此中饒野
趣便好著荷裳

不識鄰翁姓穿籬犬吠人呼僮先奉帚葉便爲
薪地僻心如洗霜高面欲皴離巢飛燕子莫問去
來因

笑我無長策經秋動遠思風吟蟬鬢薄酒憶蟹螯
持宦味鹹酸別鄉愁夢寐知寄居蟲莫怨扶爾上
高枝

秋聲四首

聽殘官鼓不成眠宿恨新愁各惘然度出微吟蛩

滿壁飛來奇字雁橫天當時壯士金鑄奏

壬申九月榕率

滇軍平貴州與義賊昨夜誰家玉笛圓侵曉打門無客過蕭

蕭落葉到階前

畫角鳴鳴送落霞楓林暝色噪歸鴉山中雪浪千

尋瀑天上銀河八月槎近塞胡兒吹感策停舟商

婦怨琵琶耳根靜處心先覺一杵晨鐘萬念差

鐵騎驕嘶弔戰場繁絃流豔入清商秦關別酒歌

三疊楚帳殘魂泣數行草木疑兵風骨勁龍蛇變

陣石頭荒記曾巫峽輕帆過繞樹哀猿欲斷腸
萬籟全空獨起遲推敲一字苦吟詩芭蕉放出縱
橫葉絡緯啼成斷續絲孤塔鐸鈴常自語寒衣刀
尺最相思吾家恰與錢唐近鐵弩潮頭正此時

秋影四首

霜痕輕點隔牆花夢入菰蘆萬里家老樹無枝皴
畫稿美人扶病怯窗紗香餘小印雙煙合燭轉迴
廊一道斜我已年時羞攬鏡吟肩消損鬢絲加
初逢疑在晚風前瘦比黃花想更妍淺淡山光留

夕照蕭條柳色送輕鞭相思渺渺空如寄自顧亭
亭絕可憐舊事清明春暖後繡旗紅處繫鞦韆
阿誰瞥過桂堂東小扇流螢笑撲空半面殘粧迷
粉黛滿身涼意近梧桐梯高共訝扶難穩袖短方
知舞未工咫尺寒潭清鑑髮莫教相對怕驚鴻
閒開劍匣重摩挲翻覆人情一刹那佛法全空同
露電月明終古照山河蛇驚杯酒疑難釋蟲逗書
燈味更多梁燕已成將去客喃喃絮語欲如何

貢象行

十八年中未朝貢豺狼在邑紛馳縱今秋緬甸進

象來象立如山搖不動入城便云象房窄鼻長五

尺牙三尺轅門鼓吹宴陪臣金蓋白衣雙足赤陪臣

有持金色蓋者象奴騎象高無鞍象糧一斗疑吞丸象奴

起拜象亦拜宴罷陪臣謝象奴謝象跪前二足作謝狀大呼前導名三

官緬來使稱三官君不見象行萬里猶龍走作戲笑看牛

飲酒象飲以鼻求醫安用麝香臍奴以象病索十麝臍餌之餅金乃已繞

路先防獅子口安甯州屬有獅子口乃繞富民縣境至省俗傳象畏獅也

大觀樓在雲南省城西郊外

前山雨過曉禽啼日影芒鞋印淺泥三面樓空新

拓畫百年人去尙留題

樓柱孫髯翁長聯數百字尙存

橫排鴉陣

平林晚亂插漁竿野屋低指點浮來輕艤子昆陽
海色綠煙迷

光緒乙亥

去年二首

去年忙似燕移巢不食人嗤此繫匏家隔萬山勞
夢想詩吟一字尙推敲會無丹鼎修靈藥豈有黃
河用寸膠當局躊躇思補救尺冰相倚望寒庖

殘梅岨強半空枝花片分香入硯池樹杪星光中
夜淡鐙前風味舊書知劍如有甲生青脊鏡最無
情照白髭爐鴨煙銷人獨坐階前奇鶴乍眠時

陳圓圓比邱尼像爲陳蘭卿司馬題

鵬題

風雨寒多倦午眠披圖重覩意茫然
余先有是像已佚矣紅顏白骨滄桑後付與空空色界天

商山廢寺幾曾游劫火荒燐滿目愁何似薛濤孤
塚在枇杷花裏客登樓
相傳圓圓墓在商山寺訪之未得

得子壽編修保定書卻寄三首

一別十年餘長安數寄書難逢開口笑記得對門

居

君寓蜀時與余對門

大筆追燕許叢編校魯魚五泉山色

好吟眺近何如

君寄居五泉山下屬書五泉山莊額子

汲古欣同賞奇光發漢碑

以新出漢應君碑見寄

消磨空有

墨矜慎漸無詩

在蜀覽拙詩謂能矜慎

獨立應千載防危在

四夷津源滄海闊還擬問襟期

史筆記三長依然眼電光全書志畿輔

時修畿輔通志報

國有封章折臂求良劑

君患疽初愈

薰心積古香離懷

不堪說瘦卻沈東陽

送王公亮司馬

述先

赴杭州轉餉

別亦尋常耳如何淚獨揮

留別詩有九死無一官
功泣數行之句

一官

今若此萬事是耶非霜雪新蓬鬢風塵舊戰衣寄
書應不遠鴻雁向南飛

錢南園通參

禮

畫馬

通參錢公筆有神作書作畫雙絕倫圖長三尺畫
馬二妙寫骨肉皆停勻蕭蕭大樹鬱秋氣一馬超
躍橫飛塵其勢如雲眼如電盡除羈勒張龍鱗一
馬背立閒而馴雪花酒毛鋪錦茵尾絲垂地拂苔

緣空所依傍前無人誰家守護同奇珍摩挲絹素
光猶新假使當時遇兵禍豈免水火隨沈淪君不
聞南方駒生越睽川飲之米汁期七年吾今見圖
如見馬馬經應共蠻書傳

次韻四首答劉采九太守

鳳苞

感事之作

宿雨釀早寒夏木蓊森碧小窗透微明照案光盈
尺一官投南荒豺虎同窟宅自傷質駑駘恐不堪
鞭策斯民凋瘵久重以征徭迫相驚令如山欲轉
心匪石顛將墜深淵隻手難扶掖用人期後來居

上同薪積

生者溝壑餘聚者逋逃數老穉衣不完空房泣破
缶造化本仁愛於斯何薄厚戾氣偶未消險或鋌
而走廿年戰骨荒秋燐照陰阜仰看中夜光妖芒
猶近斗用兵攻腹心防患如臂肘執筆如執殳鄭
重男兒手

機神變則動禍福伏而倚亂後求治安勢當先振
靡此邦多奇傑聞風投袂起慷慨笑書生齷齪何
足齒羣推功莫倫大都力所恃聲譽滿朝野冠裳

三才未言金
一四
光邈迤拱向堅如城誰敢摩其壘我昔氣凌雲今
已止如水請賦歸去詞自名窮居子

固圉論戰守爲政異寬猛彼類非吾徒但使憂懷
柄犬羊凶必屠陞伏豈無綆皇天鑒微忱星日照
同懷風濤捲六合消息通俄頃緬甸素恭順規畫
出奇警入關瞻九霄歸途駭萬嶺屏藩面獨當荒
遠心尤耿告我血氣倫自圖紀綱整保此七尺強
卓立千秋永勉矢危而安毋任狡焉逞宵寒寐復
起然燭騰劍影

得問梅兄書驚悉吉齋二兄之變痛哭成

詩

期字題名訝不祥看書未竟淚霑裳迴思萬里飛

鴻雁猛記孤舟入虎狼

咸豐二年仲兄扶先公靈柩自蜀旋浙時粵匪正

圍武昌夜乘小舟冒險而下

結髮從戎身手好

兄會隨楊果勇侯芳勳涼山夷

到頭無子鬢毛蒼

兄僅一女未笄而殤

平時善注長生訣瞬

息難求起死方

兄善醫

阿兄垂老幸抽簪

問梅兄於春初解組

得遂初心慰我心詎

料荆花偏痛折翻教春草罷沈吟青山可買談何

何易

將卜葬於蘇郡之北爪山

紫誥貶封感不禁

時遇應得

覃思請以己身封典貶贈仲兄自顧

何時歸計決南天愁望瘴雲深

苦雨夜吟四首

休言近事首重搔悔向屠門學鼓刀青史功名原
粉本紅塵身世亦秋毫涼思酒味新浮蟻急走雷
聲勇斷螯何待望洋興浩歎眼中陸海盡波濤

吏人羣散笑荒衙鼓吹猶聞兩部蛙繞壁蚰涎摹
古篆穿簾鳥語拾殘花閒看笠影詩中畫哀動秋

聲夜半笳莫問大長和故事

唐光化中鄭買嗣滅蒙氏改國號曰大長

和曾無淨土掩蟲沙

圓光魚目便成珠獻璞先防別足無寶玉已空搜
地骨榛菅不翦潤山膚愁霖結霧陰如陣破屋啼
飢淚欲枯聞說鼎鑪曾有耳九天閭闔可容呼

曲折癡腸熱漸消聽來暮暮復朝朝聲盤樹杪泉
鳴玉影落書牀夢破蕉便作蛟龍應得水先飛烏
鵲近填橋待他說出新秋色莽蕩乾坤正寂寥

曹穎生中丞輓詞四首

名樹鍾江夏人

公初不知我相遇若常人試以疆場險歡同骨肉
親萬山風似虎羣盜鬼爲鄰埽蕩資奇畫邊陲有
大臣

帝眷孚民望三年節鉞持桂林懸一髮草澤煽羣
疑已誓全家殉欣聞

特詔馳夔門重見日說是再生時

公在廣西巡撫任丁母憂旋奉

旨督辦四川軍務
榕得再見於夔州

專征方改

命自蜀便還鄉道遠舟扶櫬哀深淚滿裳

自成都奉其太

夫人靈柩還鄂

爲云同患難此別更蒼茫多少臨歧語追

思未敢忘

賤子官南服傳來噩耗驚有書隔江漢何地望銘
旌知己才難報如公氣尙生因時紛毀譽史論要

持平

時朝廷嚮用方殷同類忘之後遂不出

乙亥監試文闈卽事感賦簡內簾諸君

彼此旁觀似鏡中去來有信亦飛鴻文章藉手先
分筆得失無心或是弓高樹撐開簾影碧短牆移
過燭花紅誰云事事皆成例冷眼微揩便不同

重門咫尺竟天涯，矩步規行恐或差。同望大羅開

蕊榜，迴思前度種桃花。

癸酉科劉采九太守充內監試以詩酬唱

人驚

匣裏龍雙劍，夜卜爻中鬼。一車仰見星文獨搔首。

滄溟無際客乘槎。

時有出使外洋者

門人錢舜牧領鄉薦喜贈

尋常一第談何易，嗟爾讀書三十年。風雨聯吟好

兄弟

謂伯心令兄

琴樽游歷舊山川，閒思避俗才非傲。

懶或工愁瘦可憐，此去看花應得意。長安春暖試

輕鞭。

老夫近日情懷惡，便望青雲亦倦飛。
曾見桑田變滄海，早求茅屋傍漁磯。
寥寥短句幾人解，渺渺長空一雁歸。
滿飲清樽不成醉，城頭鼓角報斜暉。

海心亭僧房

遠樹凋霜色微風，落渚蓮客來晴戴笠。
僧嬾午酣眠投餌魚，千隊採菱香一船。
摩挲看石畫秋老，又經年。

遊仙詩十首

丹山絳闕勢巍巍，羽旆雲車列隊過。
莫道九華鏡

萬點明珠原是夜光多

異樂驚聞卻費猜瓊宮星步踏空來鯨魚跋浪滄
溟闊舊是堂坳水一杯

望見三茅禮七真五銖衣樣一時新庸兒奪得騰
脂色亂點桃花便是春

攀援有徑借丹梯咫尺神霄輦路齊記否鑪邊思
舐鼎九關深夜不聞雞

瑤檢崑崙祕不傳上清文字更茫然空餐石髓無
金液便著黃衣未是仙

珊瑚腮豔獨含顰一抹花題比玉人遙聽侍晨交
珮響日中才出駕斑麟

如來天眼已非真又恐燃犀百怪陳最好圍棋閒
處看樵夫或者是漁人

青鸞黃犬早相通何用音書覓遠鴻粉蝶成團蠅
滿座炎涼都是可憐蟲

憑虛海市訝奇光誰把山經寫大荒臭腐頭顱端
可借模餉將李代桃僵

劫外滄桑劇可哀誰將清淺問蓬萊人間或有麒

麟脯那得麻姑鳥爪來

虎棄兒

有序

同官告余曰威遠山多虎有夫婦攜子行山中澗不可越其夫負子前甫半里虎銜之去婦在後望見號泣呼天虎棄於道婦前扶夫起抱子於胸虎又來仍嚙其夫斃婦驚殞越日乃甦兒無恙沈子哀之作虎棄兒一篇

亂山飛雪人僵如鐵白草荒荒腥風吹血知不可
行路已絕

一解

夫行在前負兒於肩婦隨在後單衣

徒手忽聞谷中聲如雷雙睛如鏡黃斑來

二虎伏解

路前人不見虎婦不知夫兒不知父此時婦呼天

足踏地乞虎還我夫與兒虎如食我我不避

三虎解

本無知虎若有知委諸道旁棄如遺婦急喚夫橫

抱兒兒啼哀虎又來

四解

兒在母手父入虎口不聞

人聲猶聞虎吼

五解

吁嗟乎前有兵後有賊求生不

能死不得求虎再食婦與兒婦化俛兒化魑鬼哭

啾啾雲墨色

六解

題王小鐵太守

趙

顧嗣聽雨圖二首

王郎示我願祠圖題字光芒萬斛珠十六人中多
老輩八千里外憶

皇都亭臺花木真如見文采風流近有無安得他
年同此會淋漓醉墨寫狂奴

修禊蘭亭韻事傳後生端可繼前賢讀書曾校日
知錄蜀中有重刊日知錄數典應搜月令篇風雨回頭思舊

夢雲山放眼拓雄邊當時自與山僧約莫便開樹

恐化仙

前圖藏
慈仁寺

題周春農觀察

守誠

倚松觀釣圖

別離五稔歡重逢
顰眉白髮顏如童
見君見畫兩
奇絕襟懷灑落看
長松君家舊居涪
陵東我思前
遊追冥鴻成都花
市共攜手紅紫爛
漫迷春風茲
來昆明時仲冬晴
窗日暖光微烘高
樓三面望雲
海乾坤萬事隨秋
蓬樹根小兒垂釣
筒飛泉下注
波溶溶心不求魚
魚亦樂掀髯一笑
清尊空吁嗟
乎造化弄人非意
中眼前得失皆雞
蟲我年八十
再題句扶杖呼君
百歲翁

讀宋荔裳先生安雅堂詩集

雷煥獄中劍成連海上琴當時空望氣何處覓知音
老馬峻嶒骨哀猿斷續吟遺篇題入蜀風雨晝
陰沈

王公亮歿於常德道上哭之以詩

全家俱化碧汝亦再生人乍別言猶在初疑死未
真桐棺猶淺土才鬼或通神尙有殘詩稿其誰念
苦辛

光緒丙子

焦山南仲鼎拓本爲羅春卿貳尹題

焦先遺跡不可求南仲古鼎蟠龍虬諸家辨論紛
聚訟雷同勦說俱堪羞顧氏阮氏互歧異傳疑傳
信窮雕鏤羅君遠來攜此本奇光照耀滇南陬南
陬相隔中原一萬里疆關哀牢與金齒去年緬甸
貢象三頭戴表文獻

天子今春西夷摹地圖妖魅入市驚而趨此方寶
氣銅山在百狀神姦鑄得無

嚴渭春中丞輓詩二首

龍節新聞

玉詔除憂心榛莽未全鋤

見寄書云粵西伏莽未盡心甚憂之

桂林

再至緣

恩重

再權臬事
歷至藩撫

花市同遊憶醉餘

家居時事

大局縱談

天下事昨宵猶見篋中書因公更灑才人淚老死

儒官宿草墟

君同年李介人郡博先數年歿與榕至好

記曾分袂六年前東郭驪駒思黯然

辛未夏榕之官滇中相送

於東郭外錦水維舟同送客松窗煮茗各談禪別來又

見強臺上噩耗驚聞絕徼邊

主眷猶隆功尙在會看家督象君賢

歿後卹如例公子恩

奉雲大令特以
直隸州知州用

內子遺趙姬至口占三首

牂柯南下瘴鄉煙此地能來已自憐稚子歡迎如

遠客

陸姬所出子女相見甚親

老妻不如是真賢齏鹽尙說家

中事藥餌相隨病後綠卻笑官貧長負汝竟無珠

翠飾花鈿

我思歸去汝還來宦境無憑卻費猜金盡原因肝

膽熱霜多無奈鬢毛催親調菜味羹湯熟代檢芸

香卷帙開忽地尊前追舊恨珊瑚沈海玉成灰

曾叔

人歿已
六年矣

懶漫今年欲廢詩天真吾亦愛吾癡攜來絹素書

成債

戚友求書
相載而至

翦出羅衫瘦可知鄰笛似聞歌緩

緩牆花徵見影離離人情大抵徐公美強說衰顏
勝舊時

送客口占

銅多鑄成錢鐵多鑄成錯蜘蛛網裏生醯雞甕中
樂

病入腹與心藥攻毛與皮血枯百脈張且稱國手

醫

出郭

閉置城中事車馬人笑長官眞俗者朝來出郭雨
餘天新稻花開香滿野我喜今年田有禾縣中租
稅今如何丈量之後糧更多老農不語雙滂沱

監試滇闈今三次矣卽事四首

小住東頭屋粗安似到家桑經三度宿桂老一年
花永夜迴風力高樓捧月華莫云天萬里使者泛

靈槎

八月朔主
司巳至

簪組身如束煙雲瞥過忙題名增甲子

本科帶
補甲子憶

舊感參商

癸酉提調蔡芥
舟觀察已歿

牘尾毫分紫秋心菊有

黃暗中頻摸索姓氏付迷藏

謂彌封
所請君

目亂丹黃色方知守黑難光騰珠在海令出將登

壇錐穎囊中脫旌旗壁上觀詩腸肥便俗菜把乞

圓官

供給日以肉
進求菜未能

冷覺西風陡飛鴻唳遠天求才通國脈成佛要因

綠六詔猶全局三科只四年

自癸酉至丙
子三舉鄉闈

夢中聞

笛韻吾意小遊仙

讀王定甫通政

錫振

龍壁山人庚申集二

首

前年曾共元卿語此日初看定甫詩
昌谷少年貧善病東坡渡海筆尤奇
目中餘子應無敵身後遺文更付誰
清豔十分秋色裏湖山觸我故鄉思

集

西湖詞有一樹芙蓉一楊柳十分清豔作殘秋之句

山人自署庚申集紀歲今逢丙子年
官燭風檐宵獨坐山樓海月鏡無邊

先朝恩遇長楊賦舊事淒涼寶劍篇
廿載知名空

寂寞披吟喜見竹林賢

斯集乃姪茵
裳判官所贈

闌中夜雨讀書四首

日暗雲墜地寒起風滿樓
急雨亂拋豆歸鳥啼城頭
鎖闌鎖嚴靜取次傳更籌
斯時人語寂枯坐親香篝
几案埽塵臚放心茲少收
讀書補舊憾此外非所求

少壯驚才智辟易千人豪
放言肆踏駁且云造詣高
詎知所見陋蘭芷叢艾蒿
中歲傲而悔神聚光自韜
經史彌六合剖析分芒毫
精理領胎息文采

餘皮毛何以識其端初志終堅牢始衰猶不學寸
心恆鬱陶負山具全力予也慚靈鼇

因心始造境心爲境所愚心欲通造化境復拘方
隅應官戒冰淵發言慎機樞內省實多疚外侮甯
無虞製器儲國用人材尊璠璣工師操尺寸程規
防或踰讀書苦鈍根論古嗤囁嚅旁觀相視笑先
生猶腐儒

呼筆爲管城呼硯爲石友呼墨爲龍賓三者不脛
走縮懷皇古初文字本未有後聖代繼興靈竒羣

物母其象變莫測其名恐易朽遂用畢生力鍊心
化於手上下永無極古今商可否耿耿貫當胸炯
炯光射斗

寒夜排悶二首

埽除符牒似魚鱗秋半涼深訝早春對客羞如初
嫁女思家權作未歸人風披蕉葉疑開卷路近桃
源莫問津便許傳書皆露布朝昏鐘鼓隔重闔
耽吟撚盡白髭鬚未必探驪便得珠
與同人擬作
場題試律
地近北門誰掌管
貢院在
北城右我如南郭濫吹竽
鹽法
署在

南

涼敲竹雨思雙鶴

署有雙鶴

夜落松釵闕小廂

院有松鼠

莫問後來誰主客人前相見只胡盧

三場試畢示外簾諸君二首

鼓角驚心類戰場一時旌旆忽飛揚囊無仙藥空

增竈

號舍泥爐有索增者

夜有鈔胥競疊牀

書吏多如此狀

文苦篇

中多曳白我非局內肯雌黃蛛絲馬跡難尋處依

樣葫蘆畫不妨

謂膳錄所

旬休未暇告先期雞唱披衣尙恐遲咫尺便分千

里勢重門今有洞開時身臨虎穴談何易子出蜂

房喜可知三見榜花秋後豔碧梧霜老蔭孫枝

揭曉有期簡內簾諸君二首

聞道神山客遍遊未通仙籍尙藏闔原知丹向鑪
中轉或有珠從海底求夫壻畫眉應入樣芙蓉生
色正宜秋無分勝敗都堪喜袖手觀棋望早收

門戶居然角兩雄鴻溝楚漢各西東

內簾門啟提調監試分左

右監

後先例已三期定

例定揭曉大省不過九月十五日中省不過初十日

小省不過初五日茲定九月初五日揭曉

關節情無一線通駑馬同槽

羞棧豆翔禽振羽謝樊籠不知誰領霓裳譜但聽

瓊簫響碧空

何時三十首

有序

水之濱有地焉日月失麗風霆不威珍貨詭
奇俗尙荒靡客過而遊號稱極樂沈子自苦
井日發史讀之竟不知其何時而有此境也
寸心恆鬱百體如醉作詩三十首以自舒容
見而詫日子不知爲何時我不知爲何詩也
何思之深而詞之豔歎抑傷心人別有懷抱
耶沈子曰區區者不必鑿鑿也漫與耳姑存

之

何時滄海變桑田
劃破鴻濛界外天
諸國有疆分
島嶼漢家無事習
樓船煙開鼉背憑空
燭照犀
光徹夜然
世上升沈都莫問
君平賣卜已年年
凡骨求仙亦妄哉
豈知方丈與蓬萊
童男艸女終
何有芝草桃花未
易栽
擊節馮夷驚水立
乘槎博
望踏空來
奇文莫羨元虛賦
未必能傾萬古才
來歸窮髮許梯航
修貢還應問職方
突出潮聲奔
白馬重開劫運嘆
紅羊雕鏑渾沌驚
眞宰點竄圖

經補大荒聞說功名操鐵券可知射弩在錢唐
古法璇璣運玉衡陰陽消息自分明揮戈野有元
黃戰覆局棋看黑白爭翻怪庖犧多畫卦不宗司
馬亦談兵憑誰借得吹噓力便許雲霄放步行

十字離奇創異聞遙看傑構勢齊雲黃農虞夏誰
師法蚪蚪龍蛇各篆文迷網高張入夢夢儒家聚
訟案紛紛算來合仿秦初例拉雜模餽一炬焚

飄瞥雲旗等擲梭艨艟巨艦壓蛟鼉能調水火雙
輪轉但見神山一點螺割地誰先通海市洗兵長

願挽天河休疑夜半聞私語霹靂無聲電影過
傳說龍宮授秘方出人意料表析豪芒山中誰種千
年藥肘後都懸五色囊鍊就黃金搜白石塗成漆
髮媚紅妝老夫自問渾無用詩有仙心酒別腸
阿堵傳神瞬息中晴光過隙透玲瓏能穿紙背徵
全力巧奪人心比化工寫遍花顏隨月旦傳觀粉
本訝雷同若教早作毛延壽依舊明妃老漢宮
片紙紛如埽葉多麻沙有版爲摩抄緋衣兒小傳
熒惑白眼途窮雜嘯歌標榜戲場人似玉談諧談

柄口懸河國門高價真奇絕一字千金不敢磨
二十年中電火流追思舊恨迸新愁才多早發盈
庭議計拙終成築室謀大將立功防內外賢人責
備有春秋四章五餌尋常事賈誼緣何哭便休
推轂元戎表出師波臣駭見漢官儀齊山甲仗標
雙節橫海威名動四夷夜久銀箏翻舊譜春寒錦
帳狎纖兒神仙隊裏紛成列手把芙蓉問幾枝
時艱仗有出羣材節度連營幕府開使相重推黃
閣老生還喜入玉關來芻蕘可采憑輿論草木無

知釀禍胎可惜銅山將不去一棺空復葬寒灰

矍鑠精神類少年雍容裘帶望如仙開疆手自西
陲定戀關心常北斗懸豈有飛符能塞海曾看圖
畫上凌煙同時毅魄騎箕尾相見能無愧九泉

炙手驚看火色騰兩端相執但模稜愁教秋水雙
瞳翦呼籲皇天萬口興咫尺虹蜺通鼻息全家雞
犬盡飛昇黃華似與西風約晚節寒香惜未能

顛倒衣裳苦費猜脂韋媿熟果何來吹求毫髮無
遺憾嘔出心肝是絕才肉視當筵忘七箸指彈頃

刻現樓臺珠簾靜下香成霧花向誰家並蒂開

不高崖岸異門庭清濁何勞判渭涇蝸像閃屍流
影響冶夷爭媚縱奇靈羣知藍面當時貴且學黃
州入夜聽逐臭嗜痴同此癖惺惺只好惜惺惺

十萬洪鑪鑄橫財三千佳麗託良媒老饕空向屠
門嚼大賈原從盜藪來府庫金錢資挹注侯門簪
履任徘徊依牆鼠借神狐力强把成功付死灰
指點仙凡隔一城樓頭鐘鼓報新晴豺狼道上縱
橫跡燕雀堂中笑語聲墮入犁泥真黑獄飲來泉

水卽貪名從容閉閣長高臥不出雷池浪不驚
里問平康路未諳柳梢眉樣記初三秋聲賦就蟲
吟細春夢叟來嚙語酣處士無聊滋橫議晉人而
後又清談閒中學得癡聾好莫道嵇生七不堪
四照花明火齊懸城開不夜月長圓流離赤土污
膏血薄倖青樓咽管絃放膽誰爲無鬼論回頭化
作有情天眼中盡是良家子不識蠶桑不種田
論價羞教豔買春麻姑烏爪脯麒麟如何臥榻容
鼯睡竟使強賓奪主人把盞狂呼銀鑿落隔簾斜

覩玉橫陳江山自古原如繡花樣重翻覺太新
寶馬香車日幾回俊游連臂蹋歌來貂蟬有客皆
盈座蜂蝶無花又自媒多少才人嫁厮養誰將桃
李作輿臺嗚啼沫泣渾閒事滿地癡蟲不暇哀
雨後初涼試暖笙筵前杏頰露微頰新開萬頃琉
璃界又逐羣兒傀儡棚曼衍魚龍原是戲交持鵝
蚌爲誰爭憐渠衫影怱怱過想像毫端畫不成
繡幕濃熏小閣偏朝昏供養有雲煙呼來燕子曾
相識打起鶯兒正好眠羊肉擇肥遭蟻慕鮫人垂

淚比珠圓橫流禍水無終極一勺涔蹄滙百川

此境從來得未曾愛河無岸室無鎧須臾蒼白雲
光變塗抹青紅海氣蒸佛卽是空空是色山將爲
谷谷爲陵餘炎聚作蚊雷市共飽腥羶莫語冰

望洋眼倒嘆迷津欲駕扁舟問水濱河伯昔聞曾
娶婦海童何術竟通神瞻雲或下遺弓淚在野應
多攬轡人倘使安危能寄託不妨都積後來薪

入手新書共賞奇飛騰光怪氣淋漓乾坤可納形
諸掌福命難言相在皮牛鬼有靈紛變態馬銜無

用肖兒嬉不知野史亭何處載記他年絕可疑
去來都似馬牛風烏有先生亡是公上下古今時
盡醉聖賢仙佛道俱窮人搏黃土胚胎異石補青
天斧鑿空忽地終南增捷徑壯夫努力事雕蟲
壯歲狂名散不收刀光曾照萬枯體九州而外姑
毋論一笑於今只合休放筆且題高士傳閉門還
抱杞人憂平生意氣知何似莫問元龍百尺樓
珍重流光戀夕暉唾壺擊碎重獻歛江河歲月堂
堂去城郭民人種種非海口游談誰左證天心回

三才相言金
挽望先機桃花源好漁郎香湖上青山勸我歸

夜坐信筆十首

夕雨澄庭階新綠又成片涼甚早眠宜眸開神已
倦老樹對小窗出竅風如戰讀書慚未能獨抱作
詩券

客自瀛洲來親踏珊瑚海造化何足奇勢且翻而
改魑魅比神仙蛟龍作菹醢此理復誰論吾將叩
眞宰

文章爭炫奇字字弄狡獪嗟哉聖賢理不絕僅如

帶讀易師周孔應機卜著蔡未濟水火占何時地
天泰

堯舜官天下取與皆至公巢由委而棄聖賢不必
同後世尙詐力予智而自雄佛不可思議萬原歸
一空

造化泯智愚無才無不才美玉羞自炫貞女羞自
媒窮山得巨木小蚌藏珠胎君子抱隱德怡然甘
蒿萊

賁育勇絕倫威施美無兩當時矯立羣後人空夢

想大都愛憎偏又徒耳目廣我未親見之安知非
標榜

事讎取卿相時哉管夷吾純忠被放逐冤哉屈左
徒蓄志非不同遭際乃各殊一念防失足所慎輕
改圖

黠盜窺富鄰勢將胠篋走引矢持不發閉門寂而
守一朝實逼處慎固終何有主人束手嗟諄語責
雞狗

一念動超忽便爲萬里游迴腸已九折浩如千古

愁紛紜既多擾冥漠思早休吾當安吾素寂寂何
所求

磨墨墨太麤用筆筆已枯時人或訕笑先生聊自
娛觀書尋舊學所惜成荒蕪百年不了事汲汲胡
爲乎

玉笙樓詩錄卷八

終